



4
C O R O N A
C N O S I A

NOVEM SIDERIBVS ILLVSTRIS

PRO LITTERIS AMAENIORIBVS:

ILL.^{MO} ET EXCELL.^{MO} PRINCIPI

D. D. AVGVSTINO CHISIO

AELIO ANGELICAE ARCIS

P R A E F E C T O.

E T

VTRIQVE MILITARI CVSTODIÆ PRÆPOSITO.

D I C A T A.



ILL^{ME} ET EXC^{ME} PRINCEPS.

ÆÆÆÆÆ



*Q*UAM Fabulæ Stellis intextam Ariadnæ Coronam à Libero Patre datam finxerunt : ea ut Tibi iure deberetur, tuis effecisti virtutibus ; ut redderetur, meis ego litteris effeci. Obseruavi natum esse Te in ea Domq. quæ splendore sanguinis, luce imaginum, insignibus Magistratuum sic emitet, ut Sidera Cælo possit suppeditare. Inter quæ, Tu, Illustrissime AYGUSTINE, tot explicas animi, & corporis dotes, ut Orbem quendam radorum videaris conscicere. Ex quo lucida Corona, quasi ex Astris componi, & capiti inseri Tuo queat. Alta indoles, felix genius, magnus animus, prudentia, humanitas, suauitas, gratia, elegantia, industria, nouem ornamenta, totidem Stellas in Coronam sufficiunt. Iis Tu Chisias Gentilitias cum sanguine acceptas auges : & in Montium tuorum culmine collocatus septicollem Romam illustras. Vna olim Patria in Cæsaris Domum cooptatus Stella Iulia contentus Augustus, Tu tribus innatus domesticis Chisijs, noua virtutibus proprijs Sidera extudisti : & Augustinus Augustus clarior effulges : & Domum Chisiam Cælo simillimam tot Astro- rum Ternarijs reddis. Vnus quondam Felicitati datus : Tres quam Felicitatem portendent ! Flores ego Humaniorum Tibi litterarum dicere meditabar, à Musis nouem in fasciculum collectos, sed vidi mutata in melius sorte in Stellas conuerti, & Coronam compeni. Id prouidentia assignauit, nec enim Te decebant flores, qui marcescerent, sed Astra, quæ manerent. Hoc Tibi Diadema, non Liber, sed Apollo muled illo nobilius Numen sacrat, qui, ex quo ALEXANDER Maximus Vrbi & Orbi imperat, Parnassum, Helicon, & Pindum Chisijs Montibus commutauit : & Lauros Quercubus subiecit. Tu illius, & sororum apud eum, mea opera, disceptantium, Honorarius Arbiter esto.

SI-

S I D V S I L I G R A M M A T I C E S.



GRAMMATICE Ars est Orationis, certæ inductriæ: erratæque correctrix. An sit etiam emendatæ ornatrici? Citra splendorem Eloquentiæ esto. Vtra vtri antecellat: Græca Latina? An Latina Græcæ? Eligito. Vt Græca sit copiosior, Latina certè seuerior. Hinc tot apud Græcos Anomala, apud Latinos tam pauca. Aliarum Linguarum obseruationes magis, quàm Artes sunt. Grammatica aptè categorica, quòd substantiua, & Adiectiua, Substantiuum Verbum, & Accidentia includat. Venustè in Orationem, meditatiua verba adsciscit: Deponentia Vetus Ars: puerilis Diminutiua vendicat. Tam est accurata, & diligens, vt in ea ne supina quidem iaceant, & otientur. Tam fecunda, vt iuget verba, & copulet, & conjunctionibus liget. Mirum quòd in modo, & tempore infinitum contineat. Cum simplex sit constructio, figuratam non excludit: non iniuria, cum verba in coniugationibus personas agant. Ne dubita, quin Sol in Grammatica sit, quæ suam Ecclipsim figuram habet. Hæc obscura est: sed Enallage obscurior. Archaismus, & Hellenismus audaculæ. Sui sunt Grammaticæ hostes: Solæcismus, & Barbarismus. Vter infestior? Barbarismus. Musices mater est. Quantitatem syllabarum in numeros redigit, & versum struit. Poeticam licentiam vincit numeris, & alas in pedes vertit. Pedestris tamen non est Oratio, & si ligata Grammatici iuris est. Nobile olim Grammaticorum par Diomedes, & Priscianus. Nobilius nostra tulerunt tempora, Antonium Nebrissensem, & Emmanuelem Aluarezium. Iam vero si huic Velsium adiungas; nec ante fuit, nec deinceps, opinor, erit accuratior Grammatistes.



S I D V S I I R E T H O R I C E S.



DIALECTICAM dilata in palma solutam, argutè, ac verè Zeno Rhetoricien descripsit. Germana hæc, & iusta ad Aristotelis amissum scientia. An sit nobilior Dialectica? Arbitrij arguentis esto. Obiectum: Modus Persuadendi. Circa vtranque versatur Potentiam: Intellectum: & Voluntatem: in hanc demum incumbit, vt flectat, & omnino persuadeat. Locis iisdem, quibus Dialectica imo, & argumentis, sed fusiùs explicatis, vtitur. Vim seruat: ornamentum addit. Troporum flores inserit, figurarum gemmas inducit, sententiarum lumina adhibet. Triplex dicendi genus. Iudiciale: Deliberatiuum: Demonstratiuum. Iuxta ea styli forinæ. Est Acutus, & infimus: temperatus, & medius: vehemens, & summus. In omnibus vnus Cicero dominatur. Epistolaris extra Rhetoricien manet. Huius germani specimen, liber Epistolarum ad Atticum. Ad quas Lypsius suum dicendi, & scribendi genus accommodauit. Qui eum sectantur, Eruditum certè Magistrum habent: Eloquentem habere non possunt. Ideam Oratoris perfectam in libris de Oratore Ciceronis expressam inuenies. Quidquid Myrothecia Isocratis, scrinia Aristotelis, repositoria Theodectis Græciæ seruarunt, id vnus liber de Oratore ad Brutum Latio exhibuit. Hinc Quintilianus hausit, quæ in suas institutiones deduxit. Si qua rerum, verborumue scientia Oratori desit, is perfectus esse non potest. Quid sit Atticè, quid Asiaticè dicere, ex nobis, posito de quo dici velis, ex tempore audies. Oratorum Catalogum in libro de Claris Oratoribus ad Brutum per ætates cum Tullio texemus.



SIDVS QVIVS E LOQVENTIAE.



REGINA, & ornatu, & pompa, & imperio in animos domi-
natur. Cum mortua muta dictione, tum viva pronuntiatione
persuadet. In lingua Ciceronis solum habuit. Laudando ne?
an vituperando praestiterit? Acus Fulviae dijudicet. Certe una illa
lingua omni Graeca adorea, & Latina laurea praestantior. Diu post
Tullium siluit Eloquentia. Quintilianus silentium soluit. Patres eam
fufcitarunt, & consecrarunt. In Graecia acutus Nazianzenus: Basilus
temperatus: Chrysostomus copiosus. In Latio Lactantius nitidus, &
fluens: Cyprianus candidus, & elegans: Hieronymus tersus, & or-
natus: Ambrosius floridus, & venustus: Augustinus acumen, & ful-
men. Panegyristes Princeps Plinius. Proximus ab eo Pacatus. Su-
periori aetate refloruit Eloquentia. Prouocarunt Flores Sadoletus,
Bembus, Manutij, Murerus. Subinde venerabilis Societas Iesu sum-
mos Oratores suppeditauit, suppeditabitque. Nihil Perpiniano gra-
uius: nihil Symonido dulcius: nihil Petauio nitidius: nihil Stephonio
vehementius: sed neminem Campiano anteposuerim. Summus est in
elato, & insolenti styli genere Scribanus. Stradae genius felix, & ferax.
Galline Italae Italine Belgae, Belgine Germanis latine scribendi proprie-
tate, & nitore, & elegantia praestent (nam Hispani grauioribus studiis
dediti facile hae in parte ijs concedent) collatione facta dijudicetur.
Ego omnium societatis Authorum latinissimum Becium pronuntiaro.
Me quoque Principibus permistum agnoris IESP.



STIDVSDIV PAQTE TVCAE E



VERA, & Aristotelæ scientia: Obiectum habet Vniuersale, ac necessarium imitabile. In quo versatur Fictio. Hæc vñ genus in quatuor species diuiditur: Epicam: Tragicam: Comicam: Lyricam. Episodia, & versus accidunt Poeticæ. Subiectum postulat vñum: quod cum multis heroibus personisque stare potest. Poemari circa Deum nulli versari licet. Poeta natura valet; Arte perficitur. Homerus Poetarum Pater, Ilias eius perfecta: sed Odyssæa perfectior. Vtrique tamen præstat Æneis: Idea Epopæiæ. Princeps veterum Comicorum Plautus, Elegiacorum Propertius. Vnicus Seneca pro Tragicis. Horatius pro Lyricis. Statius, Claudiano, Silio, Valerio Flacco antecellit: nam Lucanus Poeta non est. Superior ætas Sanazarum, Vidam, Fracastorium, Nauagerium, Castillionem: nostra Pulcarellum, Stephonium, Symondum. Petauum antiquis penè pares tulit, nec me vatum de gente negabo. De loco videris. Itali Petrarcha, Ariostus, Guarinus, Marinus, cum Hispanis Garcilasso, Ercilla, Gongora, Vega, cum Gallis, Ronsardo, & Barrasio certant. Omnes tamen duo præstant; Torquatus Tassus Italus, Ludouicus Camonius Lusitanus: Vter vtri? Camonius. Primi olim Theologi Poetæ. Olim sacra: deinceps insulara Poesis in Damaso, Nazianzeno, Prospero, Paulino. Eam Leo X. inaurauit: Urbanus Octauus nectare aspersit. Alexander VII. ambrosia condidit. Aristotelis de Poetica liber oraculum. Torquatus Tassus Aristotelis, & Homeri anima. Crispi Scaligeri probo, Casteluëtrij ingenium sua subtilitate Aristoteli nocuit.



SYDVSQV. 2

HISTORIAE



AR. S. singularis: sed quod singularibus addicta, scientia esse non potest. Olim nuda, & simplex, veritati, cui, studet, similis. Deinceps vestiri aptè, & ornari impensè cœpta. Sed citra pigmenta, & fucos: etsi interdum calamistros ferat. Coniecturas abhorret, & diuerticula. Illud Oratorium, istud Poeticum. Qui vult vtrisque non intèrè vti, sermones ferat. Dictionis Historici non contorta, & æcis: sed tracta, & fluens. Historica Idea amissa est: iactura facta. Historiæ Ciceronis Consulatus sui. Hic expressa periit. In Livio tamen adumbratam inuenies. Hic omnino Princeps Historicorum: omnibus omnium gentium anteponendus, Sallustius, Cæsar, Vel-leius, Curtius, Suetonius iusti, etsi tamen diverso quisque stylo, Historici. Tacitus Politicus: non magis tamen Historicus, quàm Lucanus Poeta. Horum Crisus esto, Vulgarium: dulcè quiddam habet Bentiuglia, floridum De Aula, grave Zuriga, facile, & nitidum Guicciardinus. Virgilius Malvezzi corruptit: Historicen. Latinorum. Amilius candidus: Louius elatus: Thuanus profundus: Bucchanatus nitidus: Cambdenus tersus: Barlaeus tumidus: Otlandinus fusus: Saechinus pressus, Mariana siccus: Turcellinus venustus, Strada elegans. Cave tamen, ne quem eorum Maffei anteponas. Ioannes Barrius Indicarum rerum Lusitanus. Scriptor, secundus à Livio. Profanarum Romanæ Historiarum præstantissima. Perfectam Historiæ formam, rationem, stylum, ornatum, si quis roget, Accipiet.



S I D V S V I. ERVDITIONIS PEREGRINAE.



AT H E N Æ, & Lacedæmon pares studijs, artibus, virtutibus, opibus, armis: sed dissimiles. Vtra plures Heroas tulerit? Tua esto optio. Thebæ vnum Epaminondam omnibus fortiter opposuerint. Quæ Monarchiarū potentior? Assyriorum? An Persarum? Sanè vtræque, Græcorum: sed breuior. Alexander Nino, Cyroque superior. Huic vix Philippus Pater concesserit. Vbi maior victoria? Ad Salamina? an ad Plataeas? Certè illustrissimum trophæum ad Thermopylas. Ætholorum, Achæorum, Rhodiorum, Siculorum opes, viresque penè pares: sed Achæorum Philopœmenes extollit. Tartarorum Tamerlanes. Turcarum Selymus, Persarum Ismael. Bellum Peloponnesiacum memorabile. Memorabilius Tarentinum. Pyrro Duce: sed clarissimum Punicum secundum: Imperatore Annibale, omnium ante, & post se maximo. Belisarius: Narses, Aëtius: Martellus armorum fulmina. Vtros vtris præferas? Guelphos Gibellinis? Sfortias Mediceis? Vrsinos Colonis? quos præferas, postponam. Italorum, Gallorum, Hispanorum, Lusitanorum, Anglorum Reges, Ducesque, si conferas, quibus palmam adimas, dederò. Imperatorum Maximus Carolus Magnus, ab eo Quintus. Huic Regum Franciscus præter fortunam, par. Henricus IV. Heros Galliarum. Hunniadem ne Scanderbecho, Consaluum ne Piscario, neminem Albuquérchio anteponas. Philosophorum Princeps Plato. Scholarum Peripatetica. Sectas, & Authores dabimus. Epicurum in haram includemus. Præstet ne Pictura Sculpturæ? Prolatis tabulis, & signis liquebit.



S I D V S VII

ERVDITIONIS ROMANAE



VRBS Roma caput Orbis, & Orbis instar. Vertex Mundi Capitolium. Princeps populorum Romanus. Togata ne, an Armata mirabilior? Vna Vrbs, sed reliquo mundo amplior. Septem collibus celsa: Septem Regibus clara: septem seculis illustris. A Septimo monte Pomærium: post Septimum Regem libertas: Septimo seculo tyrannus occœpit. Primus Romanorum Lucius: Vltimus Marcus, Bruti: Decemuiratus similis Regno Magistratus, iniuria: casu. Tribunatus Consulari potestate Consulatus penè par: Imperium speciosa tyrannis. Consulatus iustus. Dictatura summus, & extraordinarius Honos. Cuius nunquam Romanos per tot sæcula pœnituit. Regum Romulus: Consulum Cursor: Dictatorum Fabius Maximus: Censorum Cato: Ducum Scipio: Imperatorum Cæsar. Omnium Clarissimus Camillus. Feracissima virtutum ætas in quartum. Scientiarum in sextum incidit. Ciuilibus ne discordijs Roma, an externis bellis exercitior? Profuerintne plus ei Tribuni, an nocuerint? Præstiterintne Patricij, Plebeis; an contra? Romanorum Familiarum, quæ præstantissima? quæ Victoria celeberrima? qui triumphus clarissimus? Quouis producto æquum afferam. Sicuti quolibet, aut Romanorum, aut externorum Herœe insighi prolato, alio ex Romæ sinu nobiliorem producam. Vter acrior libertatis vindex? Lucius, an Marcus Brutus? Vter disciplinæ militaris seuerior custos? Torquatus? an Papyrius? vter animosior Horatius? an Cocles? vter audacior? Curtius? an Mutius? Certè Tres Decij pietatis, & virtutis miracula. Si Alexander in Romanos arma verteret, in Darium verteretur.



S. I. D. V. S. V. I. I. I. I.

ASTRONOMIAE, GEOGRAPHIAE,

HYDROGRAPHIAE, GEOMETRIÆ.



NVLLVM, aut maius, aut lucidius Astrum, quàm Sol. Qui intra eum cavitates; asperitates; accessus, recessusque more pelagi æstuantis incendij, intueri se profitentur; nugas vendunt. Tubi optici vsus audaces Astronomos reddidit. Conduxeritne magis? an nocuerit Astronomiæ? Arbitrij esto alieni iudicare. Mei certè statuere: illum ob locorum distantiam, & varias impressiones aeris intermedij sæpius deficere, quàm constare. De Astris, quæ in Cœlo versantur; Animarum, quæ carent corpore, non oculorum, qui inhærent corpori, iustum, & idoneum esto iudicium. Id constat: Cælos esse non solidos: ac in ijs soluta Planetarum, & Siderum lumina, sed ordinata moueri. Vtriusque Maris, & Terræ globum vnicum esse, & idem centrum compertum est. Tribus Elementis mundus constat. Antipodas Lactantius iniuria negat: Augustinus iure. Veterum nauigationes præ nostris, Pygmæorum. Antiquiorum: clariores ne Tyrij? an Carthaginenses? Recentiorum certè Lusitani. Ecquis nauigando celebrior? Iason? an Hanno? Columbus? an Americus? Certè naus illa Victoria Orbe, Duce Cano, circumnauigato Magallianum præponit. Omnium tamen, illum Vascum à Gama illustrem splendore sanguinis, aperto, & lustrato Oriente, clarissimum, & olim fuisse, & deinceps fore existimo. Circuli è quibus æquales lineæ rectæ auferunt circumferentias similes, æquales sunt. Contactus lineæ rectæ cum circulo, in communi Mathematicorum sententia, quantitas non est. Anguli qui fiunt à diametro, & peripheria, siue contra, siue extra circulum, recti sunt, & rectis rectilineis æquales.



SIDVS IX.

POLITICES.



MONARCHIA Aristocratiae. Aristocratia Democratiae praeferenda. Vtra potior? Electio? an successio? Certè in Monarchia humana, & temporali, successio. Non ideo meliora Imperia, quòd ampliora. Marine? an Terra imperatur potentius? Certè qui mare teneat, is terrae potius necesse est. Praestant Ciuitates quæ in edito, ijs quæ in plano sunt sitæ. Fortiores esse, quæ muris carent, Sparta docuit. Præcipuos Legislatores omnium gentium numerabimus, & conferemus. Platonis Respub. cesserit Romanæ. Huius in Regibus principia in Consules flexus: in Decemuiros deflexus: in Tribunos militari potestate tractus, ad Consules reditus: in Imperatores exitus, post eos cursum, & in ijs gesta commemorabimus. Omnibus Romanis Magistratibus celsura præponenda. In Romanorum te conuiuia, Græcorum Symposia inducemus. Ludi Romani, Græci, Scenæ, Theatra, Caueæ, patebunt, Gladiatorum paria in Arenam descendent. Caue, ne quem Olympionicen Triumphatori præferas. Respublica Genuensis Atheniensi similis. Veneta Romanæ. Ornarint ne magis Respub. Fortes, an Eruditi viri? instituta dissertatione constabit. Caralogum vtrorumque à restituta Italiæ à Castruccio, & Galeacio, & Alberico militia, & à Petrarcha, Valla, Blondoque politiori litteratura, productis in aciem cum militaribus, tum doctis viris texemus: & multos hoc tempore eruditos priscis pares, Meccenate Flauio: Auspice ALEXANDRO, Papa Maximo, proferemus. Hoc Principe Aureum litteris, & virtutibus seculum esto.



CORO-

CORONIS

O Mnia Ciceronis Opera euoluuntur , explanantur : Quidquid
ex Tito Livio quis querat, ponito, responsum accipito. Sallustij,
Cesaris, Curtij, Paterculi, Suetonij, Taciti Historiæ : Virgilij,
Ovidij, Horatij, Catulli, Tibulli, Propertij, Statij, Siliij, Claudiani
Poemata conferuntur, examinantur, explicantur.

SVMMA THESVM

QVA DE RE CVNQVE QVISQVE VOLET, EX TEMPORE, SEV
PROSA, SEV VERSV, EX ME AVDITO.

F I N I S.



